



«ՍՈՒՐԲ ԷԶՄԻԱԾԻՆԸ ԱՌԱՔԵԼՈՒԹԻՒՆ Է»

ՎԵՀԱՓԱՌ ՀԱՅՐԱՊԵՏԻ ՔԱՐՈԶԸ ՄԱՅՐ ՏԱԾԱՐՈՒՄ
ԿԱԹՈՂԻԿԷ ՍՈՒՐԲ ԷԶՄԻԱԾՆԻ ՏՕՆԻՆ
(18 Յունիս 1995 թ.)

Յանուն Հոր եւ Որդւոյ եւ Հոգւոյն Սրբոյ. Ամէն:

**«Եկաւք շինեացուք սուրբ զխորանն լուսոյ,
Քանզի ի սմա ծագեաց մեզ լոյս ի Հայաստան աշխարհի»:**

«Եկէք շինենք լոյսի սուրբ խորանը, որովհետեւ սրանից ծագեց մեզ հա-
մար լոյսը Հայաստան աշխարհում»:

Այս օրը բացառիկ իմաստով օր է Հայաստանեայց Եկեղեցու համար
մեր ողջ ժողովրդի կեանքում: Տօն է այսօր Կաթողիկէ Սրբոյ Էջմիածնի
Մայր տաճարի: Ամէն մի հայ եկեղեցի իր անուան տօնախմբութիւնը ունի,
եւ ինձ համար այս օրը ողջ հայութեան, ամբողջ Հայաստանեայց Եկեղեց-
ւոյ Մայր տաճարը եղող Սուրբ Էջմիածնի տօնն է: Նրա գաղափարի վե-
րականդանացումն է մեր մէջ, նրա խորհրդի ծաղկումը եւ մեր կեանքում
նրա կատարելիք յեղափոխիչ դերի՝ խմորումի, պայծառակերպութեան օրն
է այս օրը:

«Եկաւք շինեացուք սուրբ զխորանն լուսոյ»:

Ես այս պահին այս խորանի վրա երեսակայութեամբ մտաբերում եմ,
թէ քանի հարիւր հազար անգամներ այս բառերը հնչեցին հայ ժողովրդի
զաւակների շրթներից, քանի՜-քանի՜ անգամներ այս բառերը արձագանք-
ւեցին Հայաստանեայց Եկեղեցիների կամարների ներքեւ, քանի՜-քանի՜
անգամներ այս բառերն արտասանուեցին եւ կրկին հնչում են այսօր հայ
կրթական շարկերի ներքեւ, մշակութային սրահների բեմերից, ընտանեկան
շարկերի տակ. **«Եկաւք շինեացուք սուրբ զխորանն լուսոյ, քանզի ի սմա
ծագեաց մեզ լոյս ի Հայաստան աշխարհի»:**

Այսօր, սակայն, եկէք մեր մտածումները, մեր սպրումները սեւեռենք այս բաների վրա, որովհետեւ խօսքեր, որոնք յաճախ ասում են, յաճախակիօրէն կրկնում են առհասարակ, կորցնում են իրենց իմաստի թարմութիւնը՝ կրկնողութեամբ հոգեբանական ազդեցութեամբ ներքեւ: Այսպէս յաճախ «Հայր մեր» ենք ասում գրեթէ մեքենաբար՝ առանց այդ բաներից իրաքանչիւրի իմաստին անդրադառնալու:

Հարց տանք այսօր, ի՞նչ է նշանակում լոյսի խորան: Եթէ մեզ համար Սուրբ Էջմիածինը լոյսի խորան է, խորան բառի այն իմաստով, որ առհասարակ մարդիկ գործածում են, այսինքն մարմարէ կամ քարէ շինուած այն կառույցը, որի վրայ դնում ենք աշտանակը, ճաճանչը, որի առաջ խումկ ենք ծխում, մոմ ենք վառում, այդ նիւթերէ՞ն խորանն է, որ պիտի շինենք: Խորանը լոյսի՝ մարդը ի՞նքն է: Լոյսի բնակարանը մեր միտքն է, մեր սիրտն է, մեր հոգին է: Եւ լոյսի տարածման դաշտը մեր կեանքն է: Երբ սրբազան շարականագիրն ասում է, թէ լոյսի խորանը մենք պիտի շինենք, ես այսօր այդ խօսքի մէջ երեսակալում եմ նրան, այդ հայ հոգեւորականին, ում այդ խորանի շինութեամբ որպէս ճարտարապետ պատկերացնում է Աստուած Ինքը:

Խորանը լոյսի՝ լոյսը ի՞նքն է, որ ստեղծում է Աստուած: «Ես Լոյս յաշխարհ եկի»,—ասում է մեր Տէրը՝ Յիսուս Քրիստոս: Ծարտարապետը Սուրբ Էջմիածնի այս խորանի Աստուած Ինքն է՝ Իր Միածին Որդւոյն միջոցաւ: Եւ մենք՝ մարդիկս, եթէ հրաւիրում ենք այսօր շինելու սուրբ խորանը, ինձ համար նշանակում է, որ մենք հրաւիրում ենք այսօր կառուցուելու այդ խորանով և ոչ թէ կառուցելու խորանը: Երբ մենք դառնանք մասնակից Աստծուն, դառնանք գործակից Աստծուն, այն ատեն է, որ կարող ենք ասել «Եկալք շինեացուք սուրբ գիտքանն լուսոյ»: Այսպէս մենք, իբրեւ մարդ էակներ, չենք կարող Աստծու լոյսի խորանը շինել: Լոյսը Ինքը կը շինի Իր խորանը մեր մէջ: Ես պատկերացնում եմ այն արուեստագէտին, բանաստեղծին, երաժշտին, քանդակագործին, որ երբ ստեղծագործում է, ապա մտնւոյն ստեղծագործում է իր ստեղծածով: Երբ իր հոգին ճառագայթում է մարմարի մէջ, ձայների մէջ, բաների մէջ, մա ինքն իրեն է արտայայտում, եւ իր արտայայտութեամբ է, որ լինում է այն, ինչ որ է: Մենք կարող ենք սուրբ խորանը շինել միայն այնպէս եւ այնքան, ինչքան որ մենք կարող ենք մասնակցել Աստծու շինարարութեան գործին, հոգեւոր շինութեան գործին: Հարց եմ տալիս այսօր ձեզ եւ ամբողջ աշխարհի մեր հայ ժողովրդին, որ Սուրբ Էջմիածինն է դառնում իբրեւ Մայր Աթոռ, քա՞ր է Էջմիածինը, հո՞ղ է Էջմիածինը: Ոգի՛ է եւ ոգու ճառագայթումն է, որ նիւթի միջից է մեզ հասնում, այսպէս քարը քար կլինի առանց հոգու:

Եթէ երբեք մենք ուզենանք ճշմարտօրէն, ըստ էութեան ըմբռնել Սուրբ Էջմիածնի իմաստը, այդ իմաստի գաղտնի բանալին հենց նոյն ինքը բառի մէջ է՝ **ԷԶ-ՄԻԱԾԻՆ**: Եւ Էջմիածինը այնքան Էջմիածին է, որքան Միածնախօս է, որքան Քրիստոս այս կենտրոնից խօսում է մեր ժողովրդին: Էջմիածինը միայն լոյսի ըմպողը չէ, լոյսի բնկալողը չէ, այլ լոյսի ճառագայթումն է, լոյսի արձագանքողն է, լոյսի ցոլացուցիչն է: Երբ մեր ժողովուրդը Էջմիածին է ասում՝ գՔրիստոս է հասկանում, Աւետարանն է հասկանում եւ նրա ամենից արժանքնոյի գաւալին՝ Սուրբ Գրիգոր Լուսաւորչին, որի Խոր Վիրապից դուրս գալու տօնն էր երեկ՝ շաբաթ օր:

Եւ ո՞վ էր Գրիգոր Լուսաւորիչ. դարձեալ եկէք բանանք մեր հոգիները այսօր՝ լսելու համար շարականի հոգելից, Սուրբ Հոգւոյն ներգործութեամբ

գրուած բառերը, Գրիգոր Լուսաւորիչ «քմար քաղցրախօս աստուածային Հոգւոյն, յօրինեալ մարմնով եւ մատամբք հոգւոյն»: Լուսաւորիչ քմար մըն է քաղցրախօս, մուսգարամ մըն է հաւատքի: Աստուծային Հոգին է, որ նրա կեանքի, նրա անձի, նրա գրածների, նրա գործերի միջից նառագայթում է մեր կեանքում: Այսպէս Լուսաւորիչը ինչո՞ւ է Լուսաւորիչ, մա, որ կազմուած է մարմնով և հոգւոյն մասերով: Եւ եթէ երբեք մա իր հաւատքի լոյսը դրեց այս կեանքում, այդ լոյսը այսօր մեր մէջ պիտի կենդանանայ, եւ մենք նրանով պիտի լուսաւորուենք, որպէսզի մեր ժողովուրդը այս կեանքումից լոյս ստանայ:

Հետեւաբար **Էջմիածինը** հաստատութիւն լինելուց առաջ՝ առաքելութիւն է: Այս բառերը ցանկանում եմ կրկնել, **Էջմիածինը** անցեալի պատիւ, ներքող, գովք, պարծանք ու փառաբանանք լինելուց անդին՝ առաքելութիւն է, Աստծու թարգմանութիւնը, Աւետարանի քարոզութիւնը, մեր հայրերի սուրբ առանդների կենդանի փոխանցումը մեր ժողովրդի գաւակներին: Այս է խորհուրդը Էջմիածնի: Եւ երբ մարդ հոգեղէն աչքերով կը դիտի այս սրբավայրը, այն ատեն է, որ Աւետարանի բառերով «քարերը կը խօսեն»: Բայց եթէ երբեք առանց հաւատքի, առանց հոգեկան լոյսի ներգործութեան, առանց հոգեկան հաղորդութեան մայի այս քարերին, այդ քարերը ի՞նչ տարբերութիւն ունեն որիչ քարերից: Այդ քարերը հաւատքի, գաղափարի, հոգիի, մուկիւման սպումգմեր են, որոնցից մենք կենդանի շուրմ ենք խրմում Յիսուս Քրիստոսի Աւետարանի, մեր հայրերի միջոցաւ մեզ փոխանցուած:

Էջմիածի՞ն... Երբ այս բառը հնչում է հայ ժողովրդի շրթներին, ժողովուրդը ի՞նչ է պատկերացնում՝ քարե՞րը միայն: Պատկերացնում է այն սուրբ հայրերին, ովքեր այդ քարերի մէջ աղօթք են խառնել, հոգեկան ապրումներ են գետնել, իրենց կեանքն են այդ քարերի մէջ դրել: Էջմիածին, Գրիգոր Լուսաւորիչ և նրանից յետոյ, ակնարկելով միայն վերջին դարերին, անելացնում եմ, Մովսէս Տաթևացի, Սիմէոն Երեւանցի, Գեորգ Դ Մեծագործ, Խրիմեան Հայրիկ, Վազգէն Կաթողիկոս, Կոմիտաս վարդապետ եւ երանելի, եռամեծ այն վարդապետները, ովքեր Էջմիածնին Աստծու լեզուն են խօսեցնել տուել իրենց լեզուների միջից, իրենց կեանքերի միջից:

Եղբայրներ եւ քույրեր, մենք պէտք ունենք մարդկօրէն պատասխանելու աստուածային ձայնին, մենք պէտք ունենք ներքին ամբողջական հոգեփոխութեան՝ արժանի լինելու համար այս սուրբ Տաճարին, այս սրբազնագոյն անունին ե՛ւ իբրեւ հոգեւորականութիւն, ե՛ւ իբրեւ աշխարհական ազգայիններ Հայաստանում եւ կամ աշխարհի շորս կողմը ցրուած: Եթէ ունես ոսկի՝ փաղկեցրո՛ւ այն, թիթեղի մի՛ վերածիր, փոշի թող չտեսնի, կեղտ թող չտեսնի: Աստուած ոսկին է տուել՝ մենք նրա փա՛յը լինենք եւ ոչ թէ կեղտը կամ փոշին: Էջմիածինը ո՛չմ է, բայց հոգի՛ պէտք է բլլալ այդ ոյժը զգալու համար, պէտք է բացուել:

Այսօր իմ այս վկայութիւնը, չեմ ասում քարոզը, իմ այս հոգու խօսքը չեմ կարող փակել առանց բացելու ձեր աչքերի, ձեր հոգիների առաջ այն բառերը, որոնք գրուել են եւ պահպանուել մեր ժամագրքում: Եւ մենք իբրեւ ժամամուտ այդ աղօթքը ասում ենք, բա՛ց քանի՞ հոգի է այդ աղօթքն իմանում: Մնացել է գրքի մէջ: Այսօր գրքից դուրս եմ բերել եւ ձեր հոգիների մէջ արեւի լոյսի պէս եմ ցանկանում տարածել նրա ոսկիացնող բառերը: Թող այդ բառերը լինեն ձե՛ր բառերը, ձեր հոգո՛ւ կենդանութիւնը ապահովող ներքին հոգեկան ոյժերը:

«Տէր մեր Եւ Փրկիչ Յիսուս Քրիստոս, որ սղօթքով Քո բազմաշարքար վկայի Եւ մեր հաստոյ հօր՝ Սուրբ Գրիգոր Լուսաւորչի միջնորդութեամբ, մեծ փառքով Եւ Քո լուսելեմներու բազմութեամբ երկնից իջար, ո՞վ Յիսուս, ի դաշտն Արարատեան ի քաջելոյսին փոքու հօտին Քո ազգիս Հայոց: Եւ յատկապէս զայց տուիր Քո սէրն ու ողորմութիւնն հանդէպ մեզ Քո աշխտեղ իջնելով: Եւ ոսկի ոտով բախեցիր անդունդների խորքը Եւ հազանցիկ սանդարամետի բնակիչները, որտեղ Դու լուսաճեա յօրինումով հրաշագործեցիր զՄայր Աթոսն զՍուրբ Էջմիածին Եւ նրան վերածեցիր Քո աստուածային ջնորհների անսպասելի ջտեմարանի: Նրան վերածեցիր ծնողի, դաստիարակի Եւ մեր Հայաստանեայց բոլոր եկեղեցիների կատարելագործողի: Արդ, ո՞վ Տէր, պանեա զնա ամարստ, մարտր Եւ անաղուս մեր բոլոր եկեղեցիների պաշտասպայութեան համար մինչեւ աշխարհի վերջը»: Ի՞նչ խորունկ սղօթք, ի՞նչ ներթափանցող ոյժ մեր հոգիների մէջ՝ մայր, ծնող, դաստիարակ, ջտեմարան ջնորհաց Սուրբ Էջմիածին: Իջի՛ր ապօր մեր մէջ, ինչպէս Միածին Որդին իջաւ Արարատեան դաշտի մէջ:

Ապօր մեր հոգեկան ներաշխարհով վերածուենք Արարատեան դաշտի, Էջմիածինը ափոսի, տարբանայ, միանայ, ընդելուզուի մեր բոլորի հոգեկան ապրումների մէջ: Եւ այդ ապրումներով փառք տանք Ամենակալ Աստծուն Հօր Եւ Որդու Եւ Հօգույն Սրբոյ, յախտեանս յախտեմից: Ամեն:

